

## TITULUS VIII.

## CAPUT I.

DE BENEDICTIONIBUS  
REGULÆ GENERALES.

**N**overit Sacerdos, quarum rerum benedictiones ad ipsum, et quæ ad Episcopum suo jure pertineant, ne majoris dignitatis munera temere, aut imperite umquam usurpet propria auctoritate.

2. In omni benedictione extra Missam, Sacerdos saltem superpelliceo, et stola pro ratione temporis utatur, nisi aliter in Missali notetur.

3. Stando semper benedicat, et aperto capite.

In principio cujusque benedictionis dicat:

**V.** Adjutorium nostrum in nomine Domini.

**R.** Qui fecit cœlum et terram.

**V.** Dominus vobiscum.

**R.** Et cum spiritu tuo.

4. Deinde dicatur Oratio propria, una, vel plures, prout suo loco notatum fuerit.

5. Postea rem adspargat aqua benedicta, et ubi notatum fuerit, pariter incenset, nihil dicendo.

6. Cum Sacerdos aliquid benedicturus est, habeat ministrum cum vase aquæ benedictæ et adspergillo, et cum hoc Rituali libro, seu Missali.

7. Caveat, ne benedictionis causa ponat aliquid indecens super Altare, veluti esculenta; sed quod ejusmodi est, ponatur super mensam, commodo loco paratam.



## CAPUT 2.

ORDO AD FACIENDAM  
AQUAM BENEDICTAM.

**D**iebus Dominicis, et quodcumque opus fuerit, preparato sale et aqua munda benedicenda in Ecclesia, vel in sacristia, Sacerdos superpelliceo et stola violacea indutus, primo dicit:

**V.** Adjutorium nostrum in nomine Domini.  
**R.** Qui fecit caelum et terram.

2. Deinde absolute incipit Exorcismum salis.

**E**xorcizo te creatura salis, per Deum ✠ vivum, per Deum ✠ verum, per Deum ✠ sanctum, per Deum, qui te per Elisum Prophetam in aquam mitti jussit, ut sanaretur sterilitas aquae: ut efficiaris sal exorcizatum in salutem credentium; et sis omnibus sumentibus te sanitas animae et corporis; et effugiat, atque discadat a loco, in quo adpersum fueris, omnis phantasia, et nequitia, vel versutia diabolicae fraudis, omnisque spiritus immundus, adjuratus per eum, qui venturus est judicare vivos et mortuos, et saeculum per ignem.

**R.** Amen.

Orémus.

**I**mmensam clementiam tuam, omnipotens aeternae Deus, humiliter imploramus, ut hanc creaturam salis, quam in usum generis humani tribuisti, benedicere, et sancti ✠ ficare tua pietate digneris: ut sit omnibus sumentibus, salus mentis et corporis; et quidquid ex eo tactum, vel respersum fuerit, careat omni immunditia, omni que impugnatione spiritalis nequitiae. Per Dominum nostrum.

Exorcismus aquae, et dicitur absolute.

**E**xorcizo te creatura aquae, in nomine Dei Patris ✠ omnipotentis, in nomine Jesu ✠ Christi Filii ejus Domini nostri, et in virtute Spiritus ✠ sancti: ut fias aqua exorcizata ad effugendam omnem potestatem inimici, et ipsum inimicum eradicare et explantare valeas cum angelis suis apostaticis: per virtutem ejusdem Domini nostri Jesu Christi, qui venturus est judicare vivos et mortuos, et saeculum per ignem. **R.** Amen.

Orémus.

**D**eus qui ad salutem humani generis, maxima quaeque sacramenta in aquarum substantia condidisti: adesto propitius invocationibus nostris, et elemento huic multimodis purificationibus preparato, virtutem tuae bene ✠ dictionis infunde; ut creatura tua mysteriis tuis serviens, ad abigendos daemones, morbosque pellendos divinae gratiae sumat effectum, ut quidquid in domibus, vel in locis fidelium, haec unda resperserit, careat omni immunditia, liberetur a noxa: non illic resideat spiritus pestilens, non aura corrumpens: discendant omnes insidiae latentis inimici; et si quid est, quod aut incolumitati habitantium invidet, aut quieti, adpersione hujus aquae effugiat atque discadat: ut salubritas per invocationem sancti tui nominis expetita, ab omnibus sit impugnationibus defensa. Per Dominum nostrum.

3. Hic ter mittat sal in aquam in modum crucis, dicendo semel:

**C**ommixtio salis et aquae pariter fiat in nomine Patris ✠ tris, et Filii ✠ lii, et Spiritus ✠ sancti. Amen.

**V.** Dominus vobiscum.

**R.** Et cum spiritu tuo.

## Orémus.

**D**eus invictæ virtutis auctor, et insuperabilis imperii Rex, ac semper magnificus triumphator: qui adversæ dominationis vires reprimis, qui inimici rugientis sævitiam superas, qui hostiles nequicias potenter expungas: te, Domine, treméntes et supplices deprecámur, ac pétimus, ut hanc creaturam salis et aquæ dignanter adspicias, benígnus illústres, pietátis tuæ rore sanctifices; ut ubicúmque fúerit adspersa, per invocatióem sancti tui nóminis, omnis infestatio immúndi spíritus abigátur, terrórque venenósi serpéntis procul pellátur, et præsentia sancti Spíritus nobis misericórdiam tuam poscéntibus, ubique adesse dignétur. Per Dóminum nostrum Jesum Christum Fílium tuum, qui tecum vivit, et regnat in unitate ejúsdem Spíritus sancti Deus etc. **R.** Amen.

4. Post benedictionem aquæ, Sacerdos Dominicis diebus antequam incipiat Missam, adspergit Altare, deinde se, et ministros, ac populum, prout in Missali præscribitur.

5. Postea Christifideles possunt de ista aqua benedicta in vasculis suis accipere, et secum deferre ad adspergendos ægros, domos, agros, vineas, et alia, et ad eam habendam in cubiculis suis, ut ea quotidie et sæpius adspergi possint.

## CAPUT 3.

## Benedictio candelarum

extra diem Purificationis B. Mariæ Virg.

**V.** Adjutorium nostrum in nómine Dómini.

**R.** Qui fecit cælum et terram.

**V.** Dóminus vobíscum. **R.** Et cum spíritu tuo.

## Orémus.

**D**omine Jesu Christe, Fili Dei vivi, béne ✠ dic candelas istas supplicatióibus nostris: infunde eis, Domine, per virtutem sanctæ cru ✠ cis,

benedictiõem cœlestem, qui eas ad repellendas ténebras humano géneri tribuísti; talémque benedictiõem signáculo sanctæ cru ✠ cis accípiant, ut quibuscúmque locis accénsæ, sive pósitæ fúerint, discédant príncipes tenebrárum, et contremíscant, et fúgiant pávidi cum ómnibus místris suis ab habitatióibus illis, nec præsumant ámplius inquietáre, aut molestáre serviétes tibi omnipoténti Deo: Qui vivis, et regnas in sœcula sœculórum.

**R.** Amen. Postea adspergantur aqua benedicta.

## CAPUT 4.

Benedictio domorum  
in Sabbato sancto Paschæ.

**P**arochus, seu alius Sacerdos, superpelliceo et stola alba indutus, cum ministro deferente vas aquæ ex benedictione Fontium ante perfusionem Chrismatis acceptæ, visitat domos suæ parochiæ, adspergens eas eadem aqua benedicta.

Ingrediens domum dicit:

**Pax** huic dómui, et ómnibus habitántibus in ea.

2. Deinde adspergens loca præcipua domus, et eos qui habitant in ea, dicit Antiphonam:

Vidi aquam egredientem de templo a látere dextro, allelúja: et omnes, ad quos pervénit aqua ista, salvi facti sunt, et dicent: allelúja, allelúja.

Psalmus. Confitémini Dómino, quóniam bonus: quóniam in sæculum misericórdia ejus.

**V.** Glória Patri, etc.

Repetitur Antiphona. Vidi aquam, etc.

Deinde dicit:

**V.** Osténde nobis, Domine, misericórdiam tuam, allelúja.

**R.** Et salutáre tuum da nobis, allelúja.

**V.** Dómine, exaúdi oratióem meam.  
**R.** Et clamor meus ad te véniat.  
**V.** Dóminus vobíscum.  
**R.** Et cum spírítu tuo.

**Orémus.**

**B**xaúdi nos, Dómine sancte, Pater omnípotens, ætérne Deus: et sicut domos Hebræórum in éxítu de Ægýpto, agni ságuine linítas, (quod pascha nostrum, in quo immolátus est Christus, figurábat), ab Angelo percutiénte custodísti; ita mittere dignéris sanctum Angelum tuum de coelis, qui custódiat, fóveat, prótegat, vísitet, atque deféndat omnes habitántes in hoc habitáculo. Per eúmdem Christum Dóminum nostrum. **R.** Amen.

**CAPUT 5.**

**Alia benedictio domorum**

**alio tempore faciendá cum adpersione  
 aquæ benedictæ.**

**D**arochus, seu alii Sacerdotes volentes aliquam particularem domum, vel generaliter domos fidelium alio tempore infra annum adspargere aqua benedicta, ingredientes domum dicant:

**Pax huic dómui, et ómnibus habitántibus in ea.**

2. Deinde loca adspargendo, dicant Antiphonam:

**Adspérges me, Dómine, hyssópo, et mundábor: lavábis me, et super nivem dealbábor.**

**Psalmus. Miserére mei, Deus, secúndum magnam misericórdiam tuam.**

**V.** Glória Patri, etc.

Et repetitur Antiph. **Adspérges me, etc.**

**V.** Dómine, exaúdi oratióem meam.

**R.** Et clamor meus ad te véniat.

**V.** Dóminus vobíscum.

**R.** Et cum spírítu tuo.

**Orémus.**

**B**xaúdi nos, Dómine sancte, Pater omnípotens, ætérne Deus: et mittere dignéris sanctum Angelum tuum de coelis, qui custódiat, fóveat, prótegat, vísitet, atque deféndat omnes habitántes in hoc habitáculo. Per Christum Dóminum nostrum.

**R.** Amen. Deinde adspergat aqua benedicta.

**CAPUT 6.**

**Benedictio loci.**

**V.** Adjutórium nostrum in nómine Dómini.

**R.** Qui fecit cœlum et terram.

**V.** Dómine, exaúdi oratióem meam.

**R.** Et clamor meus ad te véniat.

**V.** Dóminus vobíscum.

**R.** Et cum spírítu tuo.

**Orémus.**

**B**enedic ✠ Dómine, Deus omnípotens, locum istum (vel domum istam): ut sit in eo (vel in ea) sánitas, cástitas, victória, virtus, humílitas, bónnitas, et mansuetúdo, plenitúdo legis, et gratiárum áctio Deo Patri, et Fílio, et Spírítui sancto; et hæc benedíctio máneat super hunc locum (vel super hanc domum) et super habitántes in eo (vel in ea) nunc et in ómnia sæcula sæculórum. **R.** Amen.

Et adspergat aqua benedicta.

**CAPUT 7.**

**Alia benedictio domus novæ.**

**V.** Adjutórium nostrum in nómine Dómini.

**R.** Qui fecit cœlum et terram.

**V.** Dóminus vobíscum.

**R.** Et cum spírítu tuo.

## Orémus.

**B**e Deum Patrem omnipotentem suppliciter exoramus pro hac domo, et habitatoribus eius, ac rebus: ut eam bene ✠ dicere, et sanctificare, ac bonis omnibus ampliare digneris: tribue eis, Domine, de rore cœli abundantiam, et de pinguedine terræ vitæ substantiam, et desideria votiorum ad effectum tuæ miserationis perducas. Ad introitum ergo nostrum bene ✠ dicere, et sanctificare digneris hanc domum, sicut benedicere dignatus es domum Abraham, Isaac, et Jacob: et intra parietes domus istius, Angeli tuæ lucis inhabitent; eamque, et ejus habitatores custodiant. Per Christum Dominum nostrum. **R.** Amen.

Deinde adspergat aqua benedicta.

## CAPUT 8.

## Benedictio thalami.

**V.** Adjutorium nostrum in nomine Domini.  
**R.** Qui fecit cœlum et terram.  
**V.** Dominus vobiscum.  
**R.** Et cum spiritu tuo.

## Orémus.

**B**enedic ✠ Domine, thalamum hunc: ut omnes habitantes in eo, in tua pace consistant, et in tua voluntate permaneant, et senescant, et multiplicentur in longitudine dierum, et ad regna cœlorum perveniant. Per Christum Dominum nostrum. **R.** Amen.

Postea adspergat thalamum aqua benedicta.

## CAPUT 9.

## Benedictio novæ navis.

**V.** Adjutorium nostrum in nomine Domini.  
**R.** Qui fecit cœlum et terram.  
**V.** Dominus vobiscum.  
**R.** Et cum spiritu tuo.

## Orémus.

**P**ropitiare, Domine, supplicationibus nostris, et bene ✠ dic navem istam dextera tua sancta, et omnes qui in ea vehentur, sicut dignatus es benedicere arcam Noë ambulantem in diluvio: porrige eis, Domine, dexteram tuam, sicut porrexisti beato Petro ambulanti super mare; et mitte sanctum Angelum tuum de cœlis, qui liberet, et custodiat eam semper a periculis universis, cum omnibus quæ in ea erunt: et famulos tuos, repulsis adversitatibus, portu semper optabili, cursuque tranquillo tuearis, transactisque, ac recte perfectis negotiis omnibus, iterato tempore ad propria cum omni gaudio revocare digneris. Qui vivis et regnas cum Deo Patre in unitate Spiritus sancti Deus, per omnia sæcula sæculorum. **R.** Amen.

Adspergat navim aqua benedicta.

## CAPUT 10.

Benedictio communis  
super fruges et vineas.

**V.** Adjutorium nostrum in nomine Domini.  
**R.** Qui fecit cœlum et terram.  
**V.** Domine exaudi orationem meam.  
**R.** Et clamor meus ad te veniat.  
**V.** Dominus vobiscum.  
**R.** Et cum spiritu tuo.

## Orémus.

**Q**uæramus pietatem tuam, omnipotens Deus, ut has primitias creaturæ tuæ, quas aëris et pluviae temperamento nutrire dignatus es, benedictionis tuæ imbre perfundas, et fructus terræ tuæ usque ad maturitatem perducas. Tribue quoque populo tuo de tuis muneribus tibi semper gratias agere; ut a fertilitate terræ esuriëntium animas bonis omnibus affluentibus repleas, et egenus et pauper laudent nomen gloriæ tuæ. Per Christum Dominum nostrum. **R.** Amen.

Adspergat illas aqua benedicta.

## CAPUT 11.

**Benedictio peregrinorum  
ad loca sancta prodeuntium.**

**P**eregrini ad loca sancta profecturi, antequam discedant, juxta veteris Ecclesiæ institutum, debent accipere patentes seu commendatitias litteras a suo Ordinario, seu Parocho. Quibus obtentis, et rebus suis dispositis, facta peccatorum suorum confessione, et audita Missa, in qua dicitur Oratio pro Peregrinantibus, Ss. Eucharistiam devote suscipiant. Expleta Missa, Sacerdos super eos genuflexos dicit sequentes preces:

Antiphona. **In viam pacis.**

Canticum. **Benedictus.** (pag. 186) in fine **Glória Patri**, etc.

Repetitur Ant. **In viam pacis et prosperitatis dirigat vos omnipotens et misericors Dominus: et Angelus Raphaël comitetur vobiscum in via, ut cum pace, salute, et gaudio revertamini ad propria.**

**Kýrie eléison. Christe eléison. Kýrie eléison. Pater noster.** secreto.

**V.** Et ne nos inducas in tentationem.

**R.** Sed libera nos a malo.

**V.** Salvos fac servos tuos.  
**R.** Deus meus, sperantes in te.  
**V.** Mitte eis, Dómine, auxilium de sancto.  
**R.** Et de Sion tuere eos.  
**V.** Esto eis, Dómine, turris fortitudinis.  
**R.** A facie inimici.  
**V.** Nihil proficiat inimicus in eis.  
**R.** Et filius iniquitatis non apponat nocere eis.  
**V.** Benedictus Dóminus die quotidie.  
**R.** Prósperum iter faciat vobis Deus salutarium nostrorum.  
**V.** Vias tuas, Dómine, démonstra nobis.  
**R.** Et sémitas tuas édoce nos.  
**V.** Utinam dirigántur viæ nostræ.  
**R.** Ad custodiéndas justificatiónes tuas.  
**V.** Erunt prava in directa.  
**R.** Et áspera in vias planas.  
**V.** Angelis suis Deus mandávit de te.  
**R.** Ut custódiant te in omnibus viis tuis.  
**V.** Dómine, exáudi orationem meam.  
**R.** Et clamor meus ad te véniat.  
**V.** Dóminus vobiscum.  
**R.** Et cum spíritu tuo.

## Orémus.

**D**eus, qui filios Israél per maris médium sicco vestigio ire fecisti, quique tribus Magis iter ad te stella duce pandisti: tribue eis, quæsumus, iter prósperum, tempusque tranquillum; ut Angelo tuo sancto cómite, ad eum, quo pergunt, locum, ac demum ad æternæ salutis portum feliciter váleant pervenire.

**D**eus, qui Abraham púerum tuum de Ur Chaldæorum eductum, per omnes suæ peregrinationis vias illæsum custodisti: quæsumus; ut hos famulos tuos custodire digneris; esto eis, Dómine,